

四庫全書

史部

欽定四庫全書

欽定大清會典則例卷一百三十七

工部

屯田清吏司

山陵

一

寶城

昭西陵周環三十四丈五尺

孝陵周環六十七丈

孝東陵周環三十四丈七尺九寸

景陵周環七十丈一尺五寸

泰陵周環六十五丈

孝賢皇后陵寢同

一

方城崇墉雉堞

昭西陵廣五丈縱三丈六尺高二丈二尺七寸

孝陵廣六丈三尺縱四丈三尺三寸高二丈三尺五寸  
孝東陵廣十丈有二寸縱三丈二尺二寸高二丈六尺

七寸

景陵廣六丈五尺縱四丈五尺六寸高二丈四尺

泰陵廣六丈五尺縱如之高二丈三尺九寸

孝賢皇后陵寢同

一

明樓重檐覆黃琉璃

昭西陵廣二丈六尺縱如之檐高一丈四尺五寸內碑

一高一丈五尺五寸廣五尺五寸厚二尺六寸

仰覆蓮座高五尺廣七尺三寸飾金字繪五采

孝陵

孝東陵

景陵

泰陵同

孝賢皇后陵寢同

碑不鐫字

一祭臺以白石為之

昭西陵廣一丈九尺四寸縱五尺三寸高四尺五寸各  
陵同

一

二柱門

孝陵廣二丈一尺八寸石柱二高丈九尺九寸門楣闕  
飾五采扉朱檣

景陵

泰陵

孝賢皇后陵寢同

一琉璃花門曰

陵寢門皆三門金釘朱扉在

隆恩殿後惟

昭西陵於殿之左右各建門一廣二丈三尺九寸縱一

丈一尺五寸檐高一丈三尺六寸於

隆恩門內設重垣建琉璃花門三中廣二丈三尺二

寸縱一丈一尺高一丈三尺三寸左右廣一丈  
七尺五寸縱一丈檐高一丈二尺六寸

孝陵三門中廣二丈三尺縱一丈檐高一丈五尺五寸  
左右廣丈六尺六寸縱七尺七寸檐高一丈二  
尺八寸

孝東陵

景陵

泰陵



孝賢皇后陵寢同

一

隆恩殿五間重檐脊四下覆以黃琉璃崇階石闌凡五

出陞

昭西陵廣八丈縱五丈一尺八寸檐高一丈七尺四寸

孝東陵同

孝陵廣九丈四尺縱五丈三尺檐高一丈七尺

景陵

泰陵

孝賢皇后陵寢饗殿均同

一

兩廡各五間

昭西陵廣五丈五尺縱二丈二尺二寸檐高一丈二尺

孝東陵同

孝陵廣七丈七尺縱二丈五尺檐高一丈二尺五寸

景陵

泰陵

孝賢皇后陵寢同

一燎鑪二

昭西陵廣九尺三寸縱六尺六寸高八尺五寸各

陵同

一

隆恩門五間

昭西陵廣五丈一尺五寸縱二丈檐高一丈二尺二寸

孝東陵同

孝陵廣六丈二尺五寸縱二丈八尺檐高一丈三尺

景陵

泰陵

孝賢皇后陵寢均同

一

神廚五間

昭西陵廣六丈八尺縱二丈三尺五寸檐高一丈二尺

五寸各

陵同

一

神庫南北各三間

昭西陵廣三丈七尺縱二丈三尺五寸檐高一丈一尺

五寸各

陵同

一宰牲亭重檐氣樓

昭西陵廣二丈八尺五寸縱如之檐高一丈二尺各

陵同

一井亭

昭西陵廣一丈縱如之檐高七尺五寸各

陵同

一

神道碑亭

昭西陵廣二丈七尺縱如之檐高丈七尺內碑一高一

丈八尺五寸廣六尺三寸厚二尺八寸龍趺長

一丈五尺五寸高五尺二寸

孝陵

景陵

泰陵同

孝賢皇后陵寢同

碑不鐫字

一

龍鳳門三門兩旁翊垣均飾以琉璃扉朱檣

孝陵廣三丈二尺九寸高二丈一尺五寸

泰陵廣十丈八尺七寸高二丈五尺三寸

一石像生

孝陵龍鳳門南朝衣冠介冑文武臣像各三對卧立麒麟

獅象馬駝後猊各一對凡十有八對望柱二

高九尺

景陵五對望柱二

泰陵



孝賢皇后陵寢同

一

聖德神功碑亭重檐

孝陵廣七丈四尺縱亦如之檐計高三丈有二尺內碑  
高二丈有六寸廣六尺七寸厚二尺三寸龍趺  
長丈六尺三寸高五尺六寸

景陵廣七丈二尺五寸縱如之檐高三丈一尺六寸列  
碑二各高二丈三尺廣七尺四寸厚二尺九寸

龍趺各長丈六尺高六尺一寸

泰陵同

一

擎天柱

孝陵柱高二丈五尺徑四尺二寸座高五尺二寸徑八  
尺七寸四周石闌各高五尺五寸各面廣一丈  
四尺七寸

景陵

泰陵同

一

具服殿三間

孝陵廣三丈四尺縱二丈三尺檐高一丈

泰陵同

一

大紅門

孝陵廣十有一丈七尺六寸縱三丈四尺六寸檐高二

丈五尺

泰陵廣十有一丈九尺三寸縱三丈五尺三寸檐高二丈二尺九寸

一

石坊

孝陵二均廣九丈七尺五寸高二丈三尺六寸

泰陵三均廣九丈有九寸高二丈四尺六寸

孝賢皇后陵寢廣七丈有一寸高二丈五尺八寸

一石橋

孝陵七洞五洞橋各一三洞橋三均在

龍鳳門以內

陵寢門內外平橋各一

孝東陵三洞橋一在

隆恩門前

景陵三洞橋三在

神道碑亭前

泰陵大紅門前五洞橋一

龍鳳門外七洞橋一平橋一

神道碑亭前三洞橋三

孝賢皇后陵寢望柱前五洞橋一

碑亭前一洞橋一大門前三洞橋三

陵寢門外一洞橋三

一下馬石牌

昭西陵高一丈三尺六寸廣三尺四寸厚一尺四寸在

神道碑亭前東西相距五十丈

孝陵紅門外石坊前東西各一

神道碑亭前東西各一高廣厚同上

景陵與

昭西陵同

泰陵大紅門前二

神道碑亭前二

孝賢皇后陵寢神道碑亭前東西各一高廣厚同

一

神道

孝陵自大紅門達

龍鳳門越一洞橋七洞橋五洞橋至

神道碑中為

孝陵東為

孝東陵由七洞橋北東轉折而至

大碑樓北為



景陵由七洞橋南西轉折而北為

孝賢皇后陵寢

昭西陵在

大紅門之東

泰陵自大紅門越七洞橋達

龍鳳門經三洞橋至

神道碑為

泰陵

一圍牆

昭西陵內圍牆一百八丈一尺五寸高一丈一尺外圍牆一百三十六丈一尺高一丈二尺三寸

孝陵內圍牆一百九十七丈一尺五寸高一丈一尺外圍牆六千四百三十九丈四尺八寸高一丈三尺

孝東陵內圍牆一百六十二丈三尺七寸高同上

景陵內圍牆一百七十九丈四尺五寸高同上

泰陵內圍牆一百九十四丈五尺一寸高一丈三尺外圍牆四千三百九十九丈高一丈四尺五寸

孝賢皇后陵寢內圍牆一百九十丈三尺二寸高一丈三尺

一紅柱

東陵各

陵均設內紅柱每間十有五丈立一柱貫以朱繩外圍牆外每里立外紅柱三周三百二十里

泰陵每十有五丈立紅柱一周一百五十六里

一

園寢規制琉璃花門

景陵皇貴妃園寢廣一丈八尺二寸縱八尺八寸檐高一丈一丈一尺

妃園寢廣一丈八尺五寸縱九尺六寸檐高一丈二尺三寸

泰陵妃園寢廣一丈九尺縱九尺五寸檐高一丈三尺

端慧皇太子園寢廣一丈八尺四寸縱八尺檐高

一丈二尺

榮親王園寢廣一丈六尺二寸縱六尺檐高一丈  
八寸

端親王園寢廣一丈六尺縱六尺檐高一丈六寸  
懷親王

皇三子園寢同○饗殿

景陵皇貴妃園寢廣八丈二尺縱四丈四尺五寸檐高

一丈三尺五寸

妃園寢廣六丈七尺縱三丈四尺檐高一丈三尺  
泰陵妃園寢廣六丈縱三丈四尺檐高一丈三尺

端慧皇太子園寢廣六丈五尺四寸縱三丈四尺  
檐高一丈四尺

榮親王園寢廣三丈八尺六寸縱二丈六尺五寸  
檐高一丈二尺

端親王園寢廣三丈八尺縱二丈五尺檐高一丈

二尺

懷親王

皇三子園寢同○燎鑪

景陵皇貴妃園寢廣九尺七寸縱七尺高七尺三寸

妃園寢廣八尺七寸縱六尺一寸高七尺

泰陵妃園寢廣九尺縱六尺四寸高六尺六寸

端慧皇太子園寢廣九尺三寸縱六尺六寸高七

尺○大門

景陵皇貴妃園寢廣四丈七尺二寸縱二丈八尺六寸  
檐高一丈二尺六寸

妃園寢廣三丈八尺五寸縱二丈六尺五寸檐高  
一丈一尺五寸

泰陵妃園寢廣三丈八尺五寸縱二丈六尺五寸檐高  
一丈一尺五寸

端慧皇太子園寢廣五丈一尺縱二丈二尺檐高  
一丈一尺五寸



榮親王園寢廣三丈五尺縱二丈一尺檐高一丈

一尺

端親王園寢廣三丈四尺縱二丈檐高一丈五寸

懷親王

皇三子園寢同○東西廂

景陵皇貴妃園寢各五間廣五丈五尺縱二丈一尺五

寸檐高九尺二寸

妃園寢各五間廣五丈一尺縱一丈七尺檐高九

尺

泰陵妃園寢各三間廣二丈一尺縱一丈七尺檐高九

尺

端慧皇太子園寢各五間廣五丈四尺縱二丈二

尺檐高一丈一尺

榮親王園寢各三間廣三丈八尺六寸縱二丈六

尺五寸檐高一丈二尺

端親王園寢各三間廣三丈一尺縱一丈二尺檐

高一丈

懷親王

皇三子園寢同

一興建

陵工順治十八年題準

孝陵取土於磨盤山燒甑於遵化州溫泉燒灰於薊州  
井兒峪禪房峪青白石於房山縣盧家莊大石  
窩青砂石於宛平縣馬鞍山豆渣石於遵化州

鮎魚關採取用部匠及直隸山東山西匠役給價成造至需用臨清甃移咨山東巡撫燒解○

康熙二年差禮部滿漢尚書各一人欽天監官二人恭擬

陵工方位工部滿漢尚書各一人輪班督理八旗各咨取才能官一人同工部司官協理工程○八年題準

孝陵凡有應修之處不拘年分由部具題交禮部選擇

吉日即行修理○五十七年題準

孝東陵取土燒甃灰採石均照

孝陵定例匠役於

京城直隸取用○五十八年題準臨清甃停其燒

解交

陵工甃舖戶照臨清式樣在遵化州溫泉燒造○雍正

元年題準

景陵取土燒甃灰採石照

孝陵定例辦理○乾隆元年題準

泰陵取土燒甃於易州北河頭村燒灰於房山縣韓奇

村涑水縣壇山村採石於房山縣盧家莊大石

窩○又奏準溫泉窰移於四十里外遵化州之

十里舖燒造○十七年奏準

東陵甃窰仍於溫泉燒造

一

皇陵工部

東陵管理修造事務衙門設於石門堡

今石門驛

康熙二十

五年鑄給關防○乾隆元年設立

泰陵工部於易州○二年奏準頒發

泰陵管理修造事務關防每年題請

欽點大臣掌管○十二年遵

旨議準改擬

東陵工部辦理事務關防令郎中掌管其動支錢糧呈

明總理

陵寢事務衙門察覈仍用

東陵承辦事務關防○又議準增給

泰陵承辦事務關防其修造事務關防改擬

泰陵工部辦理事務字樣令郎中掌管

一

陵工官役石門工部額設郎中一人員外郎三人筆帖

式四人書吏二名守庫把總一人巡兵四十名

由馬蘭鎮撥給



昭西陵

孝陵

孝東陵

景陵各設領催一名匠役四十名灑掃人十六名樹戶  
昭西陵二十名

孝陵

景陵各百名均咨直隸總督於遵化州豐潤縣民人內

召募○乾隆元年奏準

泰陵工部設郎中一人員外郎一人筆帖式二人守庫  
把總一人巡兵四十名由泰寧鎮撥給領催一  
名匠役四十名灑掃人十有六名樹戶百名均  
由部行直隸總督於易州涿州涿水等州縣召  
募○二年奏準增設主事一人書吏二名○五  
年議準

東西兩陵工部郎中等官歸

陵寢總理貝勒大臣管轄一切修造事宜均聽察辦○

十七年奏準

孝賢皇后陵寢增設員外郎一人一應工程事務歸  
并石門工部辦理領催一名匠役二十名灑掃  
人十有六名樹戶百名均於遵化豐潤等附近  
州縣民人內召募

一

陵寢廨舍營房康熙二年定

孝陵內務府郎中一人員外郎二人尚茶正尚膳正內

管領各一人各給房四間首領內監十有二人  
執事人役四十名各給房三間禮部衙署四十  
間郎中一人給房三間執事人役及牛羊圈共  
房一百八十五間又蓋造八旗官兵營房總管  
一人給房六間翼領二人防禦十有六人各給  
房三間領催驍騎八十名每名二間馬蘭關副  
將衙署八十二間都司三十一間左營守備二  
十間右營守備十有四間千總署五所每所四

間把總署十所每所三間兵丁營房六百四十  
四間○十九年蓋造

景陵內務府官房總管一人員外郎二人尚膳正二人  
各給房四間尚茶正內管領副內管領各一人  
筆帖式二人首領內監十有二人執事人役七  
十名各給房二間禮部衙署二十七間郎中一  
人員外郎二人各給房四間讀祝官二人贊禮  
郎四人各三間筆帖式二人各二間執事人役

及牛羊圈共房一百七十間八旗官兵營房總  
管給房八間翼領二人各六間防禦十有六人  
各四間筆帖式二人領催驍騎八十名各二間  
○二十一年蓋造

景陵妃園寢內務府官房副內管領一人給房四間內  
監四名執事人役四十三名各給房二間禮部  
讀祝官二人贊禮郎三人各三間筆帖式二人  
各二間執事人役五十二名各一間八旗營房

防禦八人各四間筆帖式一人領催驍騎四十  
名各二間○二十五年建造石門工部衙署二  
十四間郎中一人員外郎二人各給房三間筆  
帖式四人各二間○二十七年蓋造

昭西陵內務府官房郎中尚茶正尚膳正內管領各一  
人各給房四間筆帖式二人各給房三間首領  
內監十有二人各給房三間執事人役四十名  
各給房二間禮部衙署二十六間郎中一人員

外郎二人各四間讀祝官二人贊禮郎四人各  
三間筆帖式四人各二間執事人役及牛羊圈  
共房一百六十七間八旗防禦十有六人領催  
驍騎八十名各給住房如

孝陵例○五十一年增建

景陵內務府官房十有一所所各二間○五十七年蓋  
造

孝東陵內務府官房郎中一人員外郎二人尚茶正尚



膳正內管領各一人首領內監十有二人執事  
人役五十四名各給住房間數與

孝陵同禮部牛羊圈十有二間又設八旗防禦十有六  
人即以

孝陵禮部官員房十六所共七十二間分撥居住○雍  
正元年增建

景陵內務府官房二十二所所各二間○是年於新城  
東馬家莊建造

昭西陵貴人園寢大門三間飾以五采琉璃花門一間  
繚以周垣均覆綠琉璃瓦大門外東西廂各三  
間○三年建造

東陵王府一百三十間公府四十間侍衛官房三十三  
所每所六間○是年增建

昭西陵貴人園寢饗殿五間飾五采金朱覆以綠琉璃  
瓦○四年奉

旨各

陵內務府額設員外郎二人內改設主事一人再於

孝陵增設內副管領一人給與住房三間○八年議準

建造泰寧營南百全副將衙署二十間兩營把

總各三間兵丁營房二百間北百全都司衙署

十四間千總四間把總三間兵丁營房二百間

下龍華守備千把兵丁營房與北百全同○乾

隆元年設守衛

泰陵官房員勒府六十間公府四十間大臣房十所共

六十間承辦事務衙署十九間祝版房二十間  
侍衛官房四十六所每所六間內務府總管員  
外郎主事內管領副內管領尚茶正各一人尚  
膳正筆帖式各二人首領內監十有二人執事  
人役五十四名各給房如

景陵例禮部衙署三十間郎中一人員外郎一人讀祝  
官二人贊禮郎四人筆帖式二人執事人役一  
百五十一名各給房如

景陵例工部衙署二十間郎中員外郎各一人筆帖式  
二人各給房如禮部又設八旗官兵營房總管  
給房七間翼領二人各五間防禦十有六人各  
四間筆帖式二人領催驍騎八十名各二間○  
又奏準各

陵

隆恩門外兩旁令欽天監官相度地勢各增設版房  
三間下鋪城甃上覆以錫飾以紅油令守護官

軍直宿○又奏準泰寧地方於雍正八年原議  
定額設副將一人都司守備各一人千總二人  
把總四人馬步兵六百名今請改協為鎮應蓋  
造總兵衙署百二十間大門以外照壁石獅旗  
杆柵欄等項照例設立將原有副將衙署改為  
新增遊擊駐劄都司衙署改為守備駐劄增設  
千總二人各蓋衙署六間把總四人各蓋衙署  
五間外委千把總各二人各給房三間增兵四

百名除二百名分撥房山涿水二縣外餘二百名各蓋給營房二間每馬兵二名給馬棚一間所需工料行文總理工程處辦理再泰寧營舊設千把衙署僅四間三間兵丁營房人各一間不敷棲止且無馬場請均照新設千把兵丁衙署營房之例一律增蓋○又奏準

泰陵禮部祝版房並乳牛圈移建於夏莊○二年議準泰陵牛羊圈亦移建於夏莊○三年設

泰陵妃園寢官房內務府主事副內管領各一人內監  
六名執事人三十名禮部主事一人讀祝官二  
人贊禮郎三人筆帖式二人執事人役五十二  
名工部主事一人八旗防禦八人領催驍騎四  
十名又張家莊

端親王等園寢執事人二十名王家莊

懷親王

皇三子園寢執事人十名均照



泰陵官員兵役間數給房居住○又議準泰寧鎮屬左  
右兩營官兵原為守護

陵寢風水而設除內外紅柱汛撥分防及各項差遺外  
存營兵僅六十餘名今新增各

園寢皆需巡察看守不敷分撥請增千把各一人  
步兵百名應需衙署營房照泰寧鎮官兵之例  
一式建造令直督委官確估動項興修工竣報  
部題銷○七年奏準各

陵增設驍騎校二人各給住房三間即於侍衛官房內撥補各

園寢增設驍騎校一人各給住房三間○又奏準朱華山

端慧皇太子園寢應建官房內務府內副管領尚茶副尚膳副各一人內監二人各給房三間執事人二十名各二間禮部讀祝官二人贊禮郎三人各給房六間八旗委署翼領一人防禦七

人委署驍騎校及領催驍騎四十名均照例給  
房居住○又奏準朱華山添建千總把總馬守  
兵住屋千總一人給房六間外委把總一人給  
房三間馬兵十有一名守兵四十八名各給房  
二間○又奏準馬蘭鎮所屬龍洞峪哨馬營疏  
璃廠王家峪等處均關緊要游巡兵丁不敷分  
撥請增設馬兵三十六名守兵八十四名共蓋  
營房二百四十間○八年建

景陵皇貴妃園寢官房內務府員外郎一人內監四人  
執事人二十二名禮部讀祝官二人贊禮郎三  
人校尉六名八旗防禦四人驍騎校一人領催  
驍騎四十名各照應得間數給房居住○十年  
議準增造

泰陵工部庫房十有六間○十五年議準增建馬蘭鎮  
兵丁營房百間○十七年蓋造

孝賢皇后陵寢及

妃園寢官房內務府郎中員外郎主事尚茶正尚膳正內管領內副管領各一人筆帖式二人首領內監十有八人執事人役八十四名禮部衙署二十九間郎中一人員外郎二人讀祝官二人贊禮郎四人筆帖式四人執事人役一百七十九名牛羊圈四所八旗官兵一百五十二人各給官房營房均如

景陵例

一存留備用錢糧歲咨工部陸續給發每具領以五百兩為則留貯馬蘭峪永濟庫凡遇奇零工程及祭饗辦運器用均呈報承辦事務衙門動支存庫銀及時備辦事竣咨部覈銷不敷備用再請給發如工程稍大者報部別行覈給○  
乾隆十八年覆準

陵寢風水圍牆以及水洞柵欄鐵橋等項如有應修由馬蘭泰寧二鎮察報

陵寢工部郎中呈明承辦事務衙門委官會同勘寔咨  
部覈覆非繫歲修由部酌給興舉仍令該鎮委  
監修官隨工察驗工竣造冊出結報部覈銷

一四時祭饗所用紙張顏料布疋金銀錫箔等  
項均咨部覆準行文戶部由部委官支領成造  
○二十一年

諭

陵寢妥侑

先靈襄事人員理宜有所專屬向來在

陵辦事司官皆由在京司官內論俸升用其總理事務  
之貝勒等既非本部堂官而在京堂官又相距路  
遠無從稽察遇有應修工程雖照例委官察估究  
未能覈實妥確殊非敬事之道其如何俾有專屬  
及應修大小各工如何稽察考覈以昭慎重之處  
著該部詳議具奏欽此遵

旨議準



東西兩陵工部司官從前原屬臣部自乾隆五年將石門郎中等官歸并貝勒等管轄是以遇有應修大小各工均由該貝勒等委該處工部司官估修所需錢糧向不

奏

聞均咨臣部辦理殊非敬事之道請嗣後

東西兩陵工部司官仍歸本部管轄但該處司官原由各衙門司官內論俸升補多有不諳工程者請

嗣後凡有奇零黏補工程

陵寢重地亦未便不時興作應於每年十月內令該員  
勒等通行察勘將實在應修之處彙總具奏由  
部委諳練工程司官前往會同該處官員詳察  
果緊應修者即行確估由部覈給錢糧委部員  
前往會同該處司官修理仍令該員勒等不時  
稽察統竢工竣報部由部別委司官按例覈算  
造冊奏銷倘遇必需即行修理之工亦令該員

勒等隨時具

奏亦照此辦理庶

陵寢司官既有專屬而大小工程亦昭敬謹再考

東西兩陵向例由部支領備用銀自五百兩以至二三  
千兩不等以為祭祀及歲修之用今修理工  
既令奏明由部覈給所有前項備用銀毋庸豫  
行支給至

東西兩陵每年清明孟秋望冬至歲暮祭祀並修理器

卅等項必需之銀仍令該總理等先期分案咨部覈給由部入於月摺

奏

聞

一種樹舊例委官監種限以三年限內乾枯者監種官自行補足限外者由部覈給錢糧補種

○康熙三十三年覆準

陵寢栽樹每二丈種樹一株○乾隆十二年奏準各

陵遇有枯樹應行補栽累年籠統造報並無定例嗣後

各

陵大樹以乾隆十三年為始如有枯樹作為五年一次

由承辦事務衙門詳細覈明應否補栽分別具  
奏由部給發錢糧令該處內務府及石門工部  
官督令樹戶揀選栽種至

隆恩門以後及兩旁樹株毗近

寶城圍牆屢行栽種有關風水嗣後如有枯樹遞年別

行注册期滿五年將所記之數分別奏請辦理



墳塋

一墳塋規制順治初年定親王饗堂五間門三  
飾硃紅油繪五彩金花茶飯房左右各三間碑  
亭一座圍牆百丈守塚人十戶世子郡王饗堂  
三間門三飾硃紅油繪五彩小花茶飯房三間  
碑亭一座圍牆八十丈守塚人八戶固倫公主  
同貝勒貝子饗堂三間門一飾硃紅油不繪彩  
茶飯房三間碑一通圍牆七十丈守塚人六戶



和碩公主郡主同鎮國輔國公饗堂門制同貝勒貝子碑一通圍牆六十丈守塚人四戶縣主郡君同鎮國輔國將軍碑一通圍牆三十五丈守塚人二戶民公侯伯碑一通圍牆四十丈守塚人四戶一二品官制同鎮國將軍三品官碑一通圍牆三十丈守塚人一户四品五品官同六品以下官碑一通圍牆十有二丈

一造墳工價順治十年題準親王給銀五千兩

世子四千兩郡王三千兩貝勒二千兩貝子一  
千兩鎮國公五百兩輔國公同○十八年議準  
民公六百五十兩侯六百兩伯五百五十兩一  
品官五百兩二品官四百兩三品官三百兩四  
品官二百兩五品官至七品官一百兩皆給價  
令其自造○康熙十四年議準鎮國將軍與一  
品官同輔國將軍與二品官同

一碑制順治十年議準親王至輔國公碑身均

高九尺用交龍首龜趺親王碑廣三尺八寸七分首高四尺五寸趺稱之世子郡王碑廣三尺八寸首高三尺九寸趺高四尺三寸貝勒碑廣三尺七寸三分首高三尺六寸趺高四尺一寸貝子碑廣三尺六寸六分首高三尺四寸趺高四尺鎮國公碑廣三尺六寸三分首高三尺三寸趺高三尺九寸輔國公同○康熙十四年議準鎮國將軍碑身高三尺五寸廣三尺四寸螭

首龜趺首高三尺趺高三尺六寸輔國將軍碑  
身高八尺廣三尺二寸麒麟首龜趺首高二尺  
八寸趺高三尺四寸民公侯伯碑身高九尺廣  
三尺六寸螭首龜趺首高三尺二寸趺高三尺  
八寸一品官碑制與鎮國將軍同二品官碑制  
與輔國將軍同三品官碑制身高七尺五寸廣  
三尺天祿辟邪首龜趺首高二尺六寸趺高三  
尺二寸四品官至七品官碑皆圓首方趺四品

官碑身高三尺八寸首高二尺四寸跌  
高三尺五品官碑身高三尺五寸廣二尺六寸  
首高二尺二寸跌高二尺八寸六品官碑身高三  
尺六寸廣二尺四寸首高二尺跌高二尺六寸七  
品官碑身高三尺五寸廣二尺二寸首高一尺  
八寸跌高二尺四寸

一碑價順治十年題準親王給銀三千兩世子  
二千五百兩郡王二千兩貝勒千兩貝子七百

兩鎮國公四百五十兩輔國公同○十八年題  
準鎮國將軍五百兩輔國將軍四百兩○康熙  
二年定官員曾經與謚者工部差官立碑○十  
四年題準鎮國將軍三百五十兩輔國將軍三  
百兩與謚大臣停其差官立碑皆給價令其自  
立民公侯伯各四百兩一品官與鎮國將軍同  
二品官與輔國將軍同三品官二百五十兩  
一造墳立碑一二品官病故禮部題請如止給

半葬即無碑價三品以下歿於王事者禮部始行題請凡工價銀旗員由部節慎庫給發在外直省藩庫給發

一石像生民公侯伯一二品官皆用石人二石馬二石虎二石羊二石望柱二三品官減石人四品官減石人石羊五品官減石人石虎

一古昔陵寢祠墓順治元年定昌平州明代十二陵設內監陵戶禁止樵牧○康熙二十八年

奉

旨會稽禹陵著地方官修理陵廟增守祠人役○三十八年覆準明代孝陵委江寧地方佐貳官一人

專司修理傾圯○四十一年

諭織造官會同地方官動支公項修理會稽禹陵欽此  
○雍正七年

諭自古帝王皆有功德於民雖世代久遠而敬禮崇奉之心不當弛懈其陵寢所在乃神所憑依尤當加意



防衛至於往聖先賢名臣忠烈芳型永作楷模正氣  
長留天壤其祠宇塋墓亦當恭敬守護以申仰止之  
忱著各省督撫轉飭各屬將境內所有古昔陵寢祠  
墓勤加巡視防護稽察務令嚴肅潔淨以展誠恪若  
有應行修葺之處著動用本省存公銀委官辦理朕  
見歷代帝王皆有保護古昔陵寢之飭諭而究無奉  
行之實朕雍正元年恩詔內即以修葺歷代帝王陵  
寢通行申飭亦恐有司相沿積習視為泛常嗣後著

於每年年底令該地方官將防護無誤之處結報督撫造冊轉報工部彙齊奏聞倘所報不實一經發覺定將該督撫及地方官分別議處明太祖陵在江寧昔我

聖祖仁皇帝屢次南巡皆親臨祭奠禮數加隆著江南總督轉飭有司加意防護其明代十二陵之在昌平州者自本朝定鼎以來即設立內監陵戶給以地畝令其虔修禋祀禁止樵採

聖祖仁皇帝時屢頒諭旨嚴行申飭著該督轉飭昌平州知州昌平營叅將並差委人員時加巡視務令地境之內清淨整齊倘陵戶或有不敷著該督酌議加增此南北明陵二處亦著該督撫於每年歲底冊報工部彙奏欽此○乾隆元年

諭各省前代帝王陵廟均宜嚴肅整齊以展誠恪聞湖廣地方炎帝神農氏陵廟殿宇牆垣丹雘合度而帝舜有虞氏陵廟規模窄狹丹青剝落不足以

肅觀瞻著該督撫轉飭有司動用公項即行修葺其別處陵廟如有類此者悉令該督撫委官察勘動用存公銀酌量修理務令完整再各陵廟向來未設陵戶無人看守者可酌設幾戶專司灑掃永著為例欽此○又

諭雍正七年

皇考曾降諭旨凡往聖先賢陵墓有應行修葺者令各該省動用存公銀委官料理今聞山東之少昊陵

帝堯陵廟及周公顏子曾子孟子閔子仲子南宮  
子各祠廟迄今數載尚未興工殊為怠緩著山東  
巡撫即委官確估報部興修務期工程堅固可垂  
永久亦不許委官浮冒侵欺以至工程草率欽此

○二年議準帝堯陵在濮州城東南六十里雷  
澤之東穀林莊陵前有饗殿三間陵南一里有  
堯母慶都陵陵東五十餘步有堯妃中山夫人  
祠舊設祠田百二十畝濠地四十畝州官春秋

祭饗至東平州堯陵緣自金末黃河屢決穀林  
舊址無存明洪武間未經深考始於東平葺陵  
建廟以祀沿譌已久今不便仍襲前明故事致  
祭東平應令山東巡撫飭該地方官確勘濮州  
城東穀林舊址修建饗殿配殿等項並於陵前  
設堯母靈臺祠配以中山夫人悉如舊制詳加  
料估動項興修其東平一陵仍令有司以時展  
祭○五年題準直隸慶都縣繫帝堯生長之鄉

向有堯母陵廟年久坍塌應令該督飭屬動項修理據實報銷○六年覆準舜陵雖在湖南而故都實在蒲坂則兩地皆為聖蹟自應時加修葺以昭敬禮今山西安邑縣帝舜陵寢年久傾圯守陵之大雲寺亦漸飄搖應令該撫動用存公銀立限修整工竣報銷○九年覆準江寧明太祖陵寢戟門圍牆朝房廊廡寶城等處均有坍塌委官勘估即於藩庫存公項內動撥興修

○十一年

諭前代帝王陵寢及聖賢忠烈墳墓向來均令修葺防護陝西為自古建都之地陵墓最多有不載在會典內者既無圍牆又無陵戶著交該督撫察明酌築圍牆以禁作踐以資保護欽此○十三年覆

準陝西一省古昔帝王陵寢會典開載祭者十有三陵如黃帝之橋陵周文王武王成王康王漢高帝文帝宣帝魏文帝唐高祖太宗憲宗宣



宗陵此外周秦漢唐之陵尚有數十餘處向來  
令地方官防護每年造冊報部而其中多有未  
築圍牆者又無守陵之戶所云防護有名無實  
但陝省帝王陵寢較他省為多而諸王妃嬪亦  
多塋墓此次酌築圍牆設立陵戶未可漫無分  
別凡古昔帝王皇后陵寢並聖賢忠烈或立德  
立功立言炳著史冊者所有塋墓應令該撫逐  
細察明將酌築圍牆丈尺作法先行造冊報部

次第辦理其諸王妃嬪及先賢忠烈內雖有善足錄而考其生平事業未甚表著者無庸一槩築牆防護再見在陵寢有陵前無隙地者有止敷圍築圍牆者亦有陵外隙地自數十畝至數十頃不等者倘不乘此清釐日久難免侵占而看守陵墓之戶必須每歲給有工食方有責成應將清出陵外隙地數目無多者給附近居民耕種免其升科充為陵戶其地畝多者令地方

官酌收租息以為撥給並無隙地陵戶工食之用毋庸動支公項仍造具收獲租息並給各陵戶工食清冊報部察覈再黃帝文武成康之陵周公太公之墓均有饗祠年久不免傾圯應令該撫將應行修葺之處照例先行造具估冊咨部委官修葺工竣取具冊結報銷其將來所收租息除築牆工資陵戶工食外每年積餘即可為修葺各饗殿及先賢祠宇之用統於歲終將

收支數目造冊報覈至昔日諸王妃嬪及諸臣之墓雖不在築牆看守之例應仍令地方官留意防護不致湮沒凡前賢有後裔者聽其自為防護其子孫衰微不能自築圍牆者亦為築牆防護統於每歲防護冊內逐款造冊報部照例彙入年終具題○又奏準明愍帝陵饗殿牆垣傾圯請令直督轉飭有司確估工料動支存公銀量為修葺○十六年

諭金朝陵寢近在房山歲久榛蕪未經修葺朕惟國  
家祀典光昭雖以時遣官將事而一切饗殿繚垣  
儀制所存觀瞻宜備令直隸總督前往相度有應  
增修除治者即行奏聞率屬鳩工庀事工竣之日  
朕躬親展奠以昭敬禮前朝之意欽此

薪炭

一

內庭需用木柴煤炭順治初年由部召商發價備辦○十一年設惜薪司管理○十八年裁惜薪司仍歸部辦遞年照內務府具題數目運送○康熙四十年歸內務府商人辦置○五十六年煤炭仍歸部辦○雍正元年木柴亦歸部辦差滿司官一人管理內務府營造司出具紅票由

部登記數目歲終覈銷○八年奏準煤炭監督  
照木倉監督之例鑄給關防奏委滿司官一人  
遞年掌管期滿更換並令內務府支取煤炭紅  
票鈐用印信以便按年察覈○十年議準煤炭  
監督內務府委監督一人公同辦理○乾隆七  
年增設木柴監督一人照煤炭監督之例鑄給  
關防於滿司官內簡委掌管並以一年為期○  
八年議準辦理

內廷

圓明園並各項木柴監督正副各一人於滿司官  
內簡選題委正監督一年期滿即以副作正其  
副監督別行委補

一

車駕巡幸南苑需用柴炭內務府行文到部由部咨  
取兵部驛車裝運差官支放湯泉等處照內務  
府印文先期委官協同地方官照時價辦買○



康熙六十年奏準熱河進哨應用柴炭由部委  
司官二人齎銀前往豫備○乾隆十四年議準  
凡遇

車駕巡幸將每日各處應用柴炭數目若干先期知  
照該地方官按數備辦運往堆貯屆期委司官  
齎銀前往按照時價採買會同地方官如數支  
放據實報部由部咨送內務府察對覈銷其圍  
場內需用柴炭向繫熱河同知四旗通判喀喇

河屯通判等先於圍場外石片子等處購買雇  
車運送其木柴間有不敷在圍場內砍伐者準  
銷運費但圍場以內繫產木之所乃稱由外運  
往不免浮冒嗣後惟應用之炭仍在圍場外先  
為堆貯臨期運往所需木柴價直槩不準銷○  
又奉

旨嗣後凡遇巡幸所用柴炭該地方官酌量應用數  
目不得多行豫備致滋糜費著內務府臨期奏差

該堂官一人稽察辦理○十八年議準凡遇

巡幸由部將尚茶尚膳等處日用柴炭數目刊刻印  
票交內務府轉給各該處持票向地方官支領  
地方官驗票照數給發本部不必委官前往所  
需銀即令地方官動款豫備事竣報部覈銷

一

內廷需用炭壑本部發價令舖戶成造供用

一

壇

廟需用柴炭照太常寺咨呈給發炭塹發價令鋪戶成

造

一

陵寢每歲祭祀需用柴炭即令本處州縣動項採買報

部覈銷

昭西陵

景陵由薊州

孝陵

孝東陵由豐潤縣

泰陵由易州涞水縣

孝賢皇后陵寢由遵化州

- 一在京各衙門及執事人員需用柴薪煤炭各
- 照經制定數支給其無定數者臨時憑文覈發
- 一文武會場需用柴炭照禮兵二部文移支給
- 一外國貢使人役所用柴薪由禮部行文支取

會同館大使驗給外藩來朝公主蒙古王以下  
暨番僧等由理藩院咨部照數給發

一紅羅炭順治初年定每歲燒造八十萬斤動  
支保定府柴夫等銀一萬三千五百三十兩○  
十年題準差主事一人隨裁歸保定府通判管  
理○十二年仍歸部辦○康熙三年於戶部支  
銀燒造○五十六年令煤炭監督於易州地方  
採辦供應每歲與煤炭一并報銷

一價直舊例隨時價低昂由部給銀備辦○康熙四十五年題準

內廷木柴每斤定價銀三釐七毫黑炭每斤七釐八毫煤每斤二釐三毫紅羅炭每斤一分六毫白炭每斤一分三釐其在外支用木柴每斤二釐六毫六絲黑炭每斤五釐九毫六絲煤每斤二釐六絲紅羅炭白炭價同

內廷○乾隆元年議準

內廷木柴每斤銀三釐黑炭每斤六釐煤每斤二釐七絲白炭每斤一分一釐在外支用木柴每斤二釐一毫二絲八忽炭每斤五釐○三年奏準黑炭每斤增銀四毫○十九年奏準

內廷

圓明園應用煤炭舊例煤每斤價銀二釐三毫黑炭每斤價銀七釐八毫紅羅炭每斤價銀一分六毫乾隆元年由部會九卿議定煤每斤價銀



二釐七絲減銀二毫三絲黑炭每斤價銀六釐  
減銀一釐八毫紅羅炭照舊準給嗣於乾隆三  
年因黑炭價直昂貴照減定價直不敷採辦每  
斤增價銀四毫近年以來煤炭價直愈昂該監  
督屢以減定價直不敷採辦呈請增加察訪見  
今煤炭價直較前實屬加增如仍照減定價直  
給發實屬不敷請照訪察實用數目煤每斤酌  
給銀二釐五毫黑炭每斤酌給銀七釐二毫紅

羅炭每斤酌給銀一分四釐飭發該監督悉心  
撙節辦理如有餘剩存為下年之用於應領項  
下扣除倘有侵蝕遺誤察叅治罪追賠將來時  
價稍平仍照減定數目覈給

一楊木長柴舊例直隸永寧衛八百斤保安衛  
二十斤懷來衛八百斤美峪所四百斤宣府前  
衛六十斤蔚州衛萬五千斤宣府南路廣昌城  
守備五千斤○康熙十四年題準宣府各衛停

其辦解楊木長柴折銀解交戶部懷來保安美  
峪所仍照原額解送○三十年題準懷來保安  
美峪所增解楊木長柴三千八百斤共額七千  
斤○三十二年題準歸并懷來縣辦解○乾隆  
三年奉

旨懷來保安二縣採辦楊木長柴自乾隆三年為始  
按照辦解之數動用正項造入地丁冊內報銷  
○八年懷來縣增解二千斤

一出口燒炭康熙元年題準砍柴燒炭許出古  
北口石塘路潮河川牆子路南冶口二道關其  
建昌居庸等十四關口永行禁止○乾隆六年  
奏準鮎魚關大安口黃崖關將軍關鎮羅關牆  
子路大黃崖口小黃崖口黑峪關等九處準商  
民出口砍柴燒炭

一柴炭稅順治十八年議準古北口木植十分  
取一大者營繕司備用小者交通州竹木廠存

貯辦柴○康熙元年題準出口燒炭十分取一  
通永河道每歲額徵板木船窰稅銀七千一百  
十有五兩有奇其循環印簿由部頒給按季冊  
報歲周彙申考覈所徵銀存貯道庫聽戶部撥  
用

一蘆葦舊例直隸靜海縣每年解送萬斤○雍  
正元年歸并天津縣辦解

一開採煤窰順治六年清理宛平房山兩縣煤

密分為四則上則納稅煤千五百斤中則千斤  
下則五百斤下下則二百五十斤○十年題準  
煤稅累民準予豁免遞年應用之煤照時價召  
商辦用煤密事件聽五城及州縣管理○康熙  
三十二年奉

旨京城炊爨均賴西山之煤將于公寺前山嶺修平於  
衆甚屬有益著戶工二部差官將所需錢糧確算具  
題○乾隆五年題準各省產煤之處無關城池龍脈

古昔陵墓隄岸通衢者悉弛其禁該督撫酌量情形開採○又覆準直隸地方如在邊疆口外照古北口三道溝等處酌定稅額咨部給票張家口外之土木路等處令在懷安萬全二縣口內設廠獨石口外之東槽碾溝等處令在盤道塘子二口內設廠報部給票各應輸稅銀彙入雜稅奏冊內報解其在內地官山給發司帖照例納稅餘凡屬民業悉聽自行開採

一煤窑禁令順治十二年題準西山過街塔山  
王泉山紅石口杏子口一帶煤窑永行封禁○  
十七年題準渾河大峪山場關繫

京城風水不許開窑採石違者從重治罪○康熙  
三十七年題準宣化之采馬坡馬鞍寺等處勒  
石永禁私採○六十一年議準開採采馬坡等  
處各窑每年納課銀三千兩其小西口四處悉  
行禁止私採○雍正元年奉



旨采馬坡等處煤窰仍準民間開採

匠役

一食糧匠役順治元年定各監局內監匠役均隸工部○十一年交內監局管理○十八年裁內監局除各項內監匠役

內府存留外其餘工匠仍隸工部○雍正元年題準實在存留各項食糧匠役定額營繕司木匠鋸匠石匠瓦匠土作匠五墨匠油匠釘鉸匠雕鏤匠菱花匠銅絲網匠桶匠各二名搭材匠四

十二名琉璃匠十有五名裱匠鑄匠各一名每名月支米七斗五升鐵匠一名月支米三斗木倉夫馬圈夫各二名馬館夫一名張灣木廠夫八名每名月支米三斗每斗折銀一錢三分○虞衡司軍器火藥局首領二名每名月支米一石折銀一兩三錢安民廠庫丁四名濯靈廠庫丁十名盔甲廠庫丁一名每名月支米三斗每斗折銀一錢三分安定門左翼礮局庫丁六名

德勝門右翼礮局庫丁一名戊丁二庫庫丁各  
三名軍需庫庫丁八名每名月支銀五錢網匠  
六名木匠三名東珠匠二名裁縫匠一名每名  
月支米七斗五升養馬人役九名每名月支銀  
四錢五分米九斗每斗折銀一錢三分○都水  
司裱匠絲網匠各三名刻字匠刷印匠車子匠  
各二名刻石匠柁木匠鐙匠染紙界畫匠各一  
名采子匠八名裁縫匠六名每名月支米七斗

五升窖役四十名每名月支米五斗庫役一名  
渡船夫十有六名每名月支米三斗橋夫二十  
名每名月支米七斗五升均每米一斗折銀一  
錢三分○屯田司作管八名每名月支米五斗  
銀一兩西廠巡役二名南廠巡役六名每名月  
支米三斗每斗折銀一錢三分寶源局皂隸三  
名餘丁二十名每名月支米三斗每斗折銀一  
錢三分節慎庫庫丁二十名月支銀五錢以上

工匠夫役銀米皆咨戶部按冊給發虞衡司司庫硝黃庫濯靈廠共庫丁二十四名每名三年一次賞給羊皮袍一件

一雇覓匠役順治元年定內工取用匠夫行文到部移咨都察院轉行五城取用如工程緊急行該坊官取送○二年重建

太和殿令順天府所屬州縣各解匠役百名赴工應役○十二年題準興建大工匠役闕少工程

稽遲令順天等八府解送匠役及行山東山西  
二省督撫示該地方各匠有願應役者速行解  
部照時給價赴工○康熙九年題準官員解送  
匠役或名數短少或不擇良工以老病不諳之  
人塞責者罰俸六月○十年題準

紫禁城

皇城内工程應用匠役轉行五城確察土著具結  
解送充役○又議準嗣後各衙門應用工匠均

行都察院轉行五城取用永以爲例○乾隆元年覆準內工重地理宜肅清管工官分飭各屬擇樸實有身家者點爲夫頭各將召募之夫取具甘結存案其夫役每人各給火烙腰牌一面稽察出入如有酗酒賭博等事即嚴懲驅逐至五城內外如有竊匪逃入內工重地該地方官將案內情由及該犯姓名移咨管工大員即著該管夫頭按名交出若風聞兔脫及知情賣放



即將該管夫頭交該地方官勒限嚴比竦拏獲  
本犯分別治罪

一匠役工價順治十六年題準內工每工給銀  
二錢四分每夫給銀一錢二分冬月每匠給銀  
一錢九分每夫給銀一錢外工匠夫比內工各  
減銀二分○康熙四年題準內工每匠給銀二  
錢四分每夫給銀一錢二分外工每匠給銀二  
錢二分每夫給銀八分冬月不論內工外工每

匠給銀一錢四分每夫給銀七分○五年題準  
嗣後凡有工程工匠夫役均照時價給發○雍  
正元年定各項匠役每工給銀一錢八分冬月  
給銀一錢四分夫役仍舊○又定各項食糧匠  
役遇有工程每日支銀七分○三年定食糧匠  
役遇有工程日支銀六分  
以上匠役工價每銀  
一兩折給制錢千文  
○乾隆元年議準各匠工價舊例長工每日給  
錢百八十文短工給錢百四十文今覈定無論

長短工給錢百五十四文搭材匠長工每日給  
錢百七十文短工給錢百四十文今無論長短  
工給錢百四十文夯碓夫舊例日給錢百三十  
文今覈定給錢百文壯夫長工日給錢八十文  
短工日給錢六十文今無論長短工給錢七十  
五文食糧匠照舊日給錢六十文

一優卹匠役順治二年題準除豁直省匠籍免  
徵京班匠價○八年題準發往

盛京匠役每名月給家口銀三兩由部給發每口日給米一升行戶部支給凡外藩取用匠役亦照此例○十一年議準隨從

行幸修理木城匠役每名日給口糧銀一錢各給煖帽一頂皮襖棉褲各一件鞋一雙製造庫給發○十二年在工匠役

恩給冬衣○又題準大工告成外解匠役酌量路塗遠近每日給飯銀七分令其回籍○十五年議準

京班匠價仍照舊額徵解○康熙元年題準建造大工役跌壓致殞者給與棺木價銀二兩移柩銀八兩家近者酌量減給所給銀交與親屬仍免其家雜差一年又外省匠役有在工卧病者準給飯銀每日七分其因病回家者塗路盤費視家之近遠每日以七分為率○三年定各部寺錢糧均歸戶部班匠價銀改入條編項內徵收○八年議準發去口外匠役歿於工所

與留用不回者每名各給身價銀五十兩

--	--	--	--	--	--	--	--

## 節慎庫

一節慎庫收支順治元年設郎中等官掌給發

各工所錢糧顏料及寶源局鑄錢解部會同虞

衡司收貯

今顏料歸并戶部  
有需用移咨支領

○康熙三年議準

直省一應錢糧歸并戶部各部寺應用錢糧逐

件取領則事情繁多必須年前將應用銀物數

目數明具題戶部照錢糧解到陸續給發仍令

該部寺於年終將收發細數察覈明確題報○



九年題準內外一應大小工程並給發八旗新  
來人等房價辦買柴薪煤炭繩席竹竿伐冰藏  
冰折給立碑修墳價銀等項及製造庫需用共  
約算銀數並黃金等項數目一并題明移咨戶  
部取用如不敷用再行題請如有餘剩留作次  
年用數扣算至於各工應用顏料等項竢興造  
之日別行題取○三十九年奉

旨工部用過零星錢糧著照光祿寺每月造冊具題○

五十九年奏準節慎庫嗣後無論已未收完所  
收若干即填入新收項下奏銷永為定例○又  
奏準節慎庫銀如不題請私行借給即將借給  
之人題叅照侵盜錢糧例治罪○雍正元年奉  
旨嗣後內務府行文工部所用一應物料不必聲明何  
項應用之物只將所用物料數目開列行文咨取工  
部每月冊內只將本月給過內務府物料數目開列  
具奏其一應用過物料數目每月令各咨取之司院

等處繕摺呈內務府總管察對同工部月冊一并奏聞如有不符之處於奏內聲明○又奏準內務府各處所用一應外解庫貯物料數目亦一并分晰入於每月冊內奏

聞○二年題準一應修理工程並辦買各項物料所需錢糧一年春秋二季題取戶部銀二十萬兩其用過細數除按月奏聞外仍照例於年終繕四柱黃冊具奏○七年奏準節慎庫應存錢糧

總計開除實在數目多有闕少冊籍亦有牽溷  
此皆從前不時加詳察以致積久弊生嗣後將  
庫內一應出入錢糧每於月終開明舊管新收  
開除實在繕月摺奏

聞至於製造簾架等庫亦應一例詳察凡支取物件  
收發錢糧一并按月繕冊附奏○八年奏準節  
慎庫掌印郎中於各司郎中內簡選奏補一年  
任滿更代

一歲入銀數潘桃口木稅銀七千六百四十五兩古北口木稅銀一千十有二兩殺虎口木稅銀七千六百四十六兩各有奇密雲縣出口燒炭稅銀二百五十餘兩山東省曠盡裁夫銀四千一百七十餘兩河南省堡夫小建銀五十餘兩江南省曠盡裁夫餘銀千餘兩每年於戶部題取銀十萬兩或二十萬兩不等均貯庫以備支放其工程費繁者別行奏明於戶部支領

欽定四庫全書

欽定大清會典則例

欽定大清會典則例卷一百三十七

# 欽定四庫全書

史部

欽定大清會典則例卷一百三十八

詳校官檢討臣劉炘

編修臣程嘉謨覆勘

總校官原任中允臣王燕緒

校對官典簿臣劉景岳

謄錄監生臣徐敷



欽定四庫全書

欽定大清會典則例卷一百三十八

工部

製造庫

一製造庫職掌順治元年設製造庫○十六年裁歸內監局本年改歸工部○十八年定鹵簿車駕儀仗舊屬營繕司設局分造今改歸都水司○雍正元年定都水司所隸冊寶儀仗簾子

欽定四庫全書

欽定四庫全書  
卷一百三十八

庫門神庫織造器用匠役均改歸製造庫管理  
一冊寶定制

皇帝御寶大箱高一尺三寸方一尺二寸木質朱髹  
繪紅黃金雲龍裏糊黃綾貯寶小箱高九寸方  
八寸五分金質鈹香草花文箱架高二尺一寸  
方一尺八寸枴木為之雕刻龍文朱髹貼金邊  
釘金什件寶色池連蓋高三寸四分方六寸四  
分純素金質其袂褥墊袋等件皆用黃綺

皇太后

皇后金冊皆十頁每頁高七寸一分濶三寸二分用三等赤金十有八兩寶匣六成金百有八兩寶色池六成金六十兩盛

冊大箱高一尺三寸長一尺三寸五分濶一尺小箱高九寸長一尺濶六寸五分盛

寶大箱高一尺三寸見方一尺二寸鑰匙匣一高七寸長一尺濶五寸五分均用柘木為之澀粉

雲龍鳳掃金髮飾裏糊明黃綾箱架二各高二尺一寸見方一尺八寸枴木雕龍鳳玲瓏絛環牙版朱髮掃金象牙鑰匙牌三二面雕刻龍鳳文泥金清漢字各繫明黃線總五段面絹裏銷金袱六箱架套衣二鑰匙匣套衣一寶色池袱一夾褥一夾墊五棉墊七均明黃片金為之明黃紗寶色袋一黃案二各見方三尺高二尺七寸黃油飾明黃雲段案衣二

凡  
皇  
后  
几  
箱  
袱  
墊  
雕  
刻  
繪  
髮  
均

用鳳  
文

皇貴妃金冊十頁每頁高七寸一分濶三寸二分  
用八成金十有五兩寶匣五成金百有五兩寶  
色池五成金六十兩冊寶大箱各一均杉木朱  
髹繪紅黃金鸞鳳裏糊明黃綾冊小箱鑰匙匣  
各一杉木黃油瀝粉鸞鳳滿掃金明黃綾裏箱  
架二用紫檀木雕玲瓏鸞鳳朱髹滿掃金以上  
長濶尺寸均與

皇后箱架同象牙鑰匙牌一二面雕鸞鳳雲泥金刻  
清漢字絛總全夾袱四箱架棉套二夾褥一夾  
墊五棉墊六鑰匙匣棉套一寶色池冊寶袱三  
均明黃雲段明黃紗寶色袋一案二松木成造  
尺寸油飾案衣皆與黃案同

貴妃金冊十頁用七成金十有五兩寶匣百有五  
兩寶色池六十兩均五成金

妃金冊十頁用七成金十有四兩八錢印匣百兩

印色池五十六兩六錢均五成金冊匣繪雲鳳  
色皆用金黃餘與

皇貴妃同

嬪金冊四頁用六成金十有四兩六錢二分冊大  
小箱鑰匙匣各一繪雲鳳裏用紅綾箱架一棉  
套一夾袱二鑰匙匣棉套一均紅雲段銷金冊  
袱一夾墊五夾褥一箱架棉墊四皆紅段案一  
紅油飾用紅雲段案衣餘制與

妃同

皇太子金冊寶匣寶色池制與

皇貴妃同盛冊大箱高一尺三寸長一尺三寸五

分濶一尺木質朱髹繪紅黃金雲龍盛冊小箱

高九寸長一尺濶六寸五分木質朱髹瀝粉金

雲龍均黃綾糊裏寶箱箱架袱褥墊袋等制同

前

親王世子金冊十頁用五成金每頁十有五兩尺



寸同上寶匣銀質飾金百有十兩寶色池四十  
八兩冊大箱各一高一尺三寸長一尺四寸濶  
一尺小箱各一高九寸長一尺濶七寸杉木朱  
髹銀銅花雲裝製裏糊紅綾箱架各一高二尺  
一寸見方一尺八寸椴木雕斗牛雲文朱髹五  
采貼金邊釘銅質鍍金什件架套各一夾袱各  
二夾褥各一箱架棉墊各三夾墊各八皆以紅  
段為之親王世子福晉冊制同○郡王飾金銀

冊十頁每頁十有四兩銀印匣印色池重百四十兩箱架袱褥墊袋等項均與親王同郡王福晉冊如之○公主金冊四頁制如親王箱架袱褥墊袋同○貝勒貝子及夫人並郡主縣主郡君皆紙冊每頁高一尺一寸濶七寸五分貼金雲龍面用金黃潞紬裏糊黃紡絲銀籤各二鎮國公以下奉恩將軍以上給授

誥命長丈六尺高一尺描金龍五采裝顏玉軸二牙

籤一文武有功人員

恩旨世襲勅書長一丈用黃朝鮮貢紙印以龍邊以

上紙

冊

誥

勅均備造貯庫由中書科陸續移取

一

太廟尊藏

欽定四庫全書

欽定大清會典事例  
卷一百三十八

玉冊玉寶每玉冊計十頁各高九寸濶四寸五分厚  
四分聯以黃線扁絲上下二頁各鑄升降行龍  
一滿鑄流雲清字五頁漢字三頁玉錢一徑二  
寸厚六分錢孔見方五分鑄天下太平清漢字  
冊文填青

徽號填金玉寶交龍紐紐高二寸六分寶臺高一寸九  
分見方五寸鑄清漢文玉寶大箱見方一尺一  
寸三分高一尺三寸二分枌木成造朱髹掃金

泥金雲龍雲鳳抹金銅質什件小箱見方八寸  
六分高一尺六分枿木成造箱內匣一銅抹金  
什件朱髹掃金泥金雲龍雲鳳玉冊大箱長一  
尺三寸九分濶九寸高一尺三寸三分枿木髹  
飾掃金泥金雲龍雲鳳小箱長一尺七分濶六  
寸六分高九寸七分枿木朱髹掃金泥金雲龍  
雲鳳抹金銅什件以上箱裏均糊黃綾貯冊寶  
大箱濶三尺五分深一尺九寸高二尺二寸五

分杉木朱髹抹金什件奉冊寶案長三尺七分  
濶一尺九寸七分高二尺六寸五分杉木朱髹  
抹金銅印色池見方六寸一分高一寸三分厚  
六釐玉寶袂一明黃羅段泥金團龍玉冊夾套  
一墊褥一均用明黃片金大小寶箱內棉褥各  
一冊箱內棉褥一均明黃段冊寶大小箱明黃  
羅段銷金龍鳳袂各一冊寶總箱袂一用明黃  
三線布

一  
國簿國初定

皇帝大駕國簿

篋頭八畫角二十有四摑鼓四十有八大銅角  
八小銅角八金四金鉦四杖鼓四龍頭遂十有  
二拍版四肅靜旗二金鼓旗二白澤旗二門旗  
八日月旗各一雲雨風雷旗各一五星旗各一  
二十八宿旗各一北斗旗一五嶽旗各一四瀆

旗各一青龍白虎朱雀神武旗各一天鹿天馬  
旗各一鸞麟熊羆旗各一青龍纛赤龍纛黃龍  
纛白龍纛黑龍纛各四青龍幟赤龍幟黃龍幟  
白龍幟黑龍幟各四黃麾二絳引幡傳教幡告  
止幡信幡各四政平訟理幡二儀鉞八羽葆  
幢四青龍白虎朱雀神武幢各一金節四豹尾  
幡四龍頭竿幡四方天戟四豹尾槍二十弓矢  
各二十儀刀二十仗馬十吾仗立瓜卧瓜金鉞



御仗星各六品級山七十二座梭薦三十鋪靜  
鞭三十條黃曲柄龍繖四黃直柄龍繖八紅直  
柄龍繖白直柄龍繖青直柄龍繖黑直柄龍繖  
各二黃直柄瑞草繖紅直柄瑞草繖青直柄瑞  
草繖各二黃直柄四季花繖白直柄四季花繖  
黑直柄四季花繖各二紫方蓋紅方蓋各四紅  
羅鸞鳳方扇八紅單龍扇八紅雙龍扇八黃單  
龍扇八黃雙龍扇十有二拂塵二紅鐙六金鑪

二金香合二金盆一金水盂一金大鉸一小鉸  
一馬杌一金交椅一金足踏一〇儀象五均施  
錦韉負寶鉸各一鉸銅質貼金並木雕貼金仰  
覆蓮座雕花番草

玉輅一乘高丈三尺九寸五分濶八尺二寸五  
分輅上平盤前後車檣並雁翅及四垂如意滴  
珠版其下輓二條皆朱髹輓各長二丈二尺九  
寸五分抹金銅龍頭龍尾龍鱗葉片裝釘前施

朱髻象搭攀皮一條平盤下方箱四面朱紅髻  
匡前後十有二榻內飾青地繪五采雲鶴左右  
八榻內飾上青下綠地繪麟獅犀象天鹿天馬  
鸞鳳孔雀朱雀雉鶴凡六獸六禽盤左右下護  
泥版及車輪二貫軸一每輪十有八輻周以輞  
皆朱髻抹金銅鈹花葉片裝釘輪內車心各一  
抹金銅鈹蓮花瓣輪盤裝釘軸首左右各用鐵  
轄拴一以抹金銅鈹龍頂管心裝釘軸中纏黃

絨駕轅等繩盤去地四尺一寸五分輅亭高六尺七寸九分四柱各高五尺八寸四分皆朱髹前二柱戩金雲龍文下山水文門高五尺一寸九分濶二尺四寸九分左右門各濶二尺二寸五分其上四周裝雕木沉香色描金香草版十有二前及左右各朱髹榻二扇明欵全均以抹金銅釵花葉片裝釘榻編黃線絛穿後朱髹屏風屏前三榻雕沉香色描金雲龍五上朱髹

版戩金雲龍一中三榻沉香色描金龍三下三  
榻描金雲版如其數屏後上三榻戩金龍三其  
次戩金雲版如其數中三榻朱髮戩金龍四其  
次沉香色描金雲版亦如其數下三榻沉香色  
雲版亦如之均抹金銅釵花葉片裝釘亭內編  
黃線緋穿朱髮匡軟座黃絨墜座大繩四座下  
蓮花墜石軟座上施花毯涼席大紅織金綺褥  
朱髮坐倚一靠背雕沉香色描金雲龍一下雕

雲版一朱髻福壽版一並衣倚中黃織金綺靠  
坐褥倚圍全周圍施黃綾幃幔或用黃線羅亭  
外青綺緣邊朱簾十扇各用拽簾黃線圓絛二  
條銅圈全輅頂並圓盤高三尺一分抹金銅蹲  
龍頂並仰覆蓮座高一尺二寸九分垂攀頂黃  
絨繩四條盤高二寸上以朱髻下外四周沉香  
色地描金雲青飾輅蓋亭內貼金斗拱承以朱  
髻匡寶蓋頂為八方冒以黃綺謂之黃屋頂心

及八面繡五采雲龍九天輪三層皆朱髹上安  
雕木貼金龍耀葉版八十有一三層間繪五采  
雲襯版八十有一盤下周圍黃銅裝釘上施金  
黃綺瀝水三層層各八十一摺間繡五采雲龍  
文四角垂青綺絡帶四各繡五采雲升龍三圓  
盤四角連輅座版用黃線攀絛四並貼金木魚  
輅亭前左右轉角闌干二後一字帶左右轉角  
闌干一皆朱髹內嵌雕木貼金龍間以五采雲

三扇計十有二柱各柱首雕木貼金蹲龍一及  
描金五采蓮花抱柱闌干四周布花毯涼席太  
常旗二面在輅亭後左右以明黃雲段夾為旗  
每面十有二旂每旂內外繡升龍一朱髹欂櫨  
旗竿二左竿旗腰繡日月北斗竿首用抹金龍  
頭右竿旗腰繡黻字竿首用抹金銅戟每竿綴  
抹金銅鈴二垂紅纓十有二纓上施抹金銅寶  
蓋下垂青線帟帟行馬架二上穿黃絨扁絛踏



梯一均木質朱髹以抹金銅釵花葉片裝釘黃  
布面絹裏夾憶衣油紬雨衣各一合扇梯一托  
叉一均朱髹貼金象鞍鞦轡羶籠各一副

大輅一乘平盤下無方箱輅亭內朱髹屏風上  
雕沉香色描金雲龍五屏後下三榻雕木沉香  
色描金雲龍三下雕雲版如其數餘制與玉輅  
同

大馬輦一乘高丈二尺五寸九分濶八尺九寸

五分轆三條各長二丈五寸九分去地三尺四寸五分亭高六尺四寸九分朱髹四柱高五尺五寸四分門高五尺九分濶二尺四寸五分前及左右各槁二扇後槁三扇無屏軟座施素毯輅頂並圓盤高二尺六寸五分亭前一字闌干一後一字帶轉角闌干一左右闌干二內嵌絛環版皆朱髹四扇計十有四柱闌干內布素毯駕馬馬頂繫鈴齋戒則輟鞍韉鞅轡朱纓全餘

制同

小馬輦一乘高丈一尺五寸九分濶七尺九寸  
五分輦二條各長丈九尺五分亭高五尺五寸  
九分朱柱高五尺四寸五分門高五尺濶二尺  
二寸五分左右門濶二尺一寸九分前及左右  
各槁二扇後屏雕以沉香色描金雲龍五沉香  
色描金雲龍繚環版三雲版三亭底用朱髹版  
施素毯輦頂並圓盤高二尺五寸五分亭外垂

朱簾四餘制同

香步輦一乘高丈二尺五寸座高三尺方廣八尺二寸五分輦座朱髹其下四面雕枅木五采雲貼金龍版十有二閒以渾貼金仰覆蓮座其下雕木綠金五采雲版二十座下朱轅四中二轅各長三丈五尺九寸左右二轅各長二丈九尺五寸九分每轅以抹金銅龍頭尾裝製攀轅黃線圓縵八亭高六尺五分四柱各高五尺八

寸門高五尺二寸濶二尺二寸五分左右門濶  
二尺二寸前及左右朱槩十字槩二扇雕飾沉  
香色描金雲龍版八其下雲版如之後朱屏上  
雕沉香色描金雲龍五屏後雕沉香色描金雲  
龍版三又雲龍版如其數亭內施花毯朱槩戲  
金龍倚一輦頂並圓盤高二尺六寸一分亭前  
闌干制如大輅亭內木雕貼金劍山一座朱槩  
足踏一黃段衣全仙橋一木質朱槩雕貼金行

龍五采雲縹環版六描金五采水版十有二蹲  
龍四餘制如馬輦

涼步輦一乘高丈一尺二寸座高二尺五寸上  
方七尺六寸下方七尺九寸輦座朱髹座版及  
四圍朱髹匡枅木雕貼金雲版二十上貼金地  
雕五采雲縹環版十有二帶仰覆蓮座其下朱  
轅四中二轅各長二丈八尺五寸左右二轅各  
長二丈六尺五寸前後均抹金龍頭尾黃線攀

轅圓絛八亭高五尺五寸五分方四尺八寸朱  
柱四門高四尺七寸寬二尺二寸左右門同其  
上四周沉香色描金香草版十有二前及左右  
各槁二扇後槁扇三明杌全皆朱髹編黃線絛  
穿輦版上施花毯涼席紅織金綺褥朱髹餞金  
雲龍坐倚一坐下四周雕木沉香色描金雲靠  
背雕沉香色描五采雲金龍一下雕貼金雲版  
一朱髹福壽版一并衣倚中黃織金綺靠坐褥

倚衣全周圍施黃綺幃幔或黃線羅亭內設木  
雕貼金劍山一座足踏一黃段為衣銅鑪一銅  
抹金嵌寶石鑪一亭外青綺緣邊朱簾十扇各  
用拽簾黃線圓絛二銅圈全輦頂高二尺五寸  
抹金銅寶珠頂並仰覆蓮座高一尺三寸二分  
垂攀頂黃絨繩四條頂用朱髻上冒紅氈四角  
以金黃氈為如意雲黃氈緣條四圍施金黃綺  
瀝水二層每層百二十四摺閒繡五采雲龍文



腰條繡行龍十有六或用紅羅冒頂黃羅為如意雲緣條瀝水亦用黃羅四角抹金銅雲四朶亭內寶蓋繡五龍頂用朱髹木匡冒以黃綺為黃屋頂心四周繡雲龍各一輦亭四角至輦座用攀頂黃線圓絛四條並貼金木魚亭外圍用紅氍面金黃氍緣條絹裏氍衣一輦亭前左右朱髹轉角闌干二後一字帶轉角闌干二皆雕木玲瓏金地五采雲版十有六四扇計十有二

柱柱首貼金蹲龍各一描金五采蓮花抱柱闌  
干內皆施花毯涼席步梯一木質朱髹貼金五  
采雲玲瓏版六描金五采水版十有二蹲龍頭  
四以抹金銅釵花葉片裝釘抹金銅鈎四金黃  
線圓絛四朱髹高凳四黃氍毹凳二金黃布夾  
幪衣油紬雨衣各一

大禮轎一乘高五尺八寸五分頂高一尺三寸  
面濶三尺深四尺轎重頂渾貼金雕九龍雲化

番草絛環黃綾銷金龍瀝水二層金繫轅二各  
長丈有七尺六寸五分前後大橫竿二各長九  
尺小橫竿四各長二尺有五寸肩竿八各長五  
尺有八寸撐竿二各長三尺轎頂飾金蹲龍十  
有二金頂釵龍文嵌珊瑚青金綠松等石轎竿  
裝抹金銅龍頭尾黃布幃衣油紬雨衣黃氊頂  
各一

行駕儀仗

吾仗立瓜卧瓜御仗星金鉞各四五色銷金龍  
旗十五色銷金龍幟十黃段雙龍扇十黃綾銷  
金九龍繖十

明轎一乘貼金雕花番草金髮木座穿藤轎身  
濶二尺二寸深一尺八寸高三尺三寸地平濶  
二尺二寸深三尺轅二各長一丈五尺五寸大  
橫竿二各長七尺六寸小橫竿四各長二尺八  
寸肩竿八各長五尺六寸撐竿二各長一尺八

寸抹金銅龍頭尾什件全黃布幘衣油紬雨衣  
各一

行幸儀仗

蒙古畫角六大銅角八小銅角八金口角八鼓  
二銅點二銅鈸四金鈺四簫四管二雲璈二架  
笙二金二立瓜卧瓜吾仗御仗星金鈸各六弓  
矢十儀刀十豹尾槍十黃青赤白黑銷金龍旗  
各二黃青赤白黑銷金龍幟各二黃雙龍扇六

紅單龍扇四黃青赤白黑粧花段繖各二

拆合明轎一乘金髮雕花草獸面轎身濶二尺  
二寸深一尺八寸三分高三尺四寸地平濶二  
尺二寸深二尺九寸轅二各長一丈七尺大橫  
竿二各長六尺七寸小橫竿四各長二尺八寸  
肩竿八各長六尺撐竿二長一尺七寸均朱髹  
鍍金銅龍頭尾什件全黃布幘衣油紬雨衣各

一

大轎一乘朱髹轎身濶三尺深四尺六寸五分  
高五尺貼金頂濶三尺八寸深五尺六寸五分  
高八寸黃綾銷金龍瀝水一層轅二各長一丈  
八尺大橫竿二各長九尺小橫竿四各長二尺  
七寸肩竿八各長五尺三寸撐竿二長二尺三  
寸五分均朱髹轎頂飾金蹲龍四金頂釵龍文  
嵌珊瑚青金綠松等石抹金銅龍頭尾什件全  
黃布幪衣油紬雨衣黃氈頂各一○乾隆八年

遵

旨議準周制玉金象草木為五輅見今陳設五輦有  
玉輅大輅大馬輦小馬輦香步輦其數亦五制  
與古圖相仿除玉輅名制均同無可改外請名  
大輅為金輅大馬輦為象輅小馬輦為草輅香  
步輦為木輅內惟香步輦與輅制少異今應改  
轅增輪與輅同制至旌旗之飾據漢儒之論謂  
玉輅繡日月星宿謂之太常金輅繡飛龍九象



輅用大赤革輅用大白木輅用大麾純黑旗也  
或又謂革輅黑而木輅白考三才圖會內圖式  
則玉輅日月五星並黻字飛龍象輅龍革輅熊  
虎金輅鸞鳳木輅龜蛇今參合古今玉輅應如  
漢儒之說用日月五星二十八宿旗餘四輅應  
以東龍西虎南鳥北蛇為別金輅用東方飛龍  
象輅用南方朱鳳革輅用西方白虎木輅用北  
方龜蛇隨交部改造木輅高一丈四尺二寸平

盤面廣八尺八寸深八尺八寸增朱轅三長二  
丈五寸軸一輪二雁翅版四垂彩髹立雲版護  
泥版掃金仰覆蓮座穹頂龍頭版五彩雲版屏  
風闌干榻扇等項均朱髹飾五采描繪泥金支  
竿四朱髹各長四尺四寸五分踏梯一高五尺  
八寸濶二尺上鋪細梭毯行馬架三高四尺二  
寸濶二尺二寸皆朱髹駕馬游環及攀轅等繩  
與各輅同再改製五輅太常旗每竿旗身長六

尺六寸連排總濶四尺七寸五分玉輅二旗各  
繡日月五星二十八宿金輅二旗各繡青龍象  
輅二旗各繡朱鳳革輅二旗各繡白虎木輅二  
旗各繡龜蛇均用明黃片金段成造各編五色  
線八寶排總上綴紅纓毬五紅線絛一青線流  
蘇一〇十三年遵

旨議準見在陳設五輅惟於輅後旗章稍為區別而  
規制大畧相同與古所稱以玉金象飾其末及

分用五色尚未脗合宜參考古制玉輅上盤用  
天青色上檐花版皆用玉版環嵌金輅上盤用  
朱髹上檐花版皆用貼金加髹象輅上盤用黃  
色上檐花版皆用象牙花版環嵌革輅應用白  
色但輅蓋不使用白今擬革輅上盤及上檐花  
版皆用泥銀上起金花木輅上盤及上檐花版  
皆用黑髹描金其正中圓頂皆用金頂旗章仍  
遵定制無庸更改再五輅惟用陳設

大祀

御乘則用涼步輦

陞殿之日陳於

太和門東按涼步輦之名仍襲前明不見於古今  
應遵

諭旨即以涼步輦為金輦而仿其製造為玉輦輦上  
方頂應照玉輅用天青色前後左右各環嵌圓  
花白玉一塊其上圓頂仍用金頂乘以祀

天金輦則祭

方澤

宗廟

社稷用之均以二十八人肩舁

陞殿日陳於

太和門外東西相嚮其朝

日夕

月

耕藉以下等祀仍用禮轎禮轎之名應請更為法駕

步輦

今定名禮輿

又拆合轎名亦不典應請更為騎

駕步輦

今定名輕步輿

隨定制玉輦通高丈一尺一寸

輦蓋高二尺方六尺二寸飾天青色嵌圓玉版

四起四楞金脊角出雲朵上安金頂承以鈿花

盤座高一尺三寸頂裏繪金采雲青段繡金雲

龍瀝水二層各濶五寸五分綴黃絨絛四繫於

座輦亭高五尺三寸方五尺門高四尺八寸廣

二尺三寸五分四面各立描金龍柱每面垂朱  
簾三前後簾濶二尺左右簾濶一尺五寸均青  
段緣邊綴青段帶簾幃青色雲段或以氈中設  
雲龍寶座高一尺三寸面徑二尺七寸香几一  
高一尺一寸徑九寸五分劍一架高尺有一寸  
四分濶一尺縱八寸唾盂一高寸六分徑二寸  
八分托版長一尺濶二寸七分亭四周轉角闌  
干四高一尺六寸八分閒濶二尺一寸闌柱刻



金龍闌內周布花毯輦座高二尺四寸上方七尺六寸環版二層上層繪金彩雲下層金雲各五片下方七尺七寸轅四內二轅各長三丈八尺五寸外二轅各長二丈九尺兩端鍍金銅龍頭尾昇以二十八人升輦用仙橋一五級後高二尺六寸五分下長三尺七寸五分濶一尺九寸左右闌雕夔龍雲牙均朱髹飾金支竿四版凳二藍氈幃氈頂黃段裏衣油紬雨衣各一金

輦通高丈有五寸輦蓋泥金高尺有九寸五分  
徑七尺一寸嵌圓金版四頂及盤座高一尺黃  
段瀝水二層各濶五寸輦亭高五尺方四尺九  
寸門高四尺七寸五分廣二尺二寸五分簾幃  
黃色闌干高一尺三寸閒濶二尺三寸輦座上  
方七尺三寸下方七尺五寸內二轅各長二丈  
八尺一寸外二轅各長二丈六尺一寸仙橋後  
高三尺七寸八分下長二尺八寸八分濶二尺

一寸八分餘制與玉輦同○又

欽定輅制玉輅穹頂

即上盤

天青色前後左右環嵌蒼

玉版各一金輅穹頂黃色四面環嵌金版各一

象輅穹頂赤色四面環嵌象牙版各一革輅穹

頂銀色四面環嵌染黃羊皮版各一木輅穹頂

黑色四面環嵌花梨木版各一其上檐花版均

仍舊飾以金采至五輅垂幃及四角絡帶舊制

皆用柘黃元青今應酌改各如頂色○又定五

輅旗制從前皆用明黃色段宜各按五輅體色  
改用織金段每輅太常旗二左旗一各繡本方  
物象右旗一皆配以升龍各旂數如舊○又

諭古者崇郊饗則備法駕乘玉輅以稱鉅典國朝定  
制有大駕鹵簿行駕儀仗行幸儀仗其名叅用宋  
明以來之舊而旗章麾蓋視前倍簡今稍為增益  
更定大駕鹵簿為法駕鹵簿行駕儀仗為鑾駕鹵  
簿行幸儀仗為騎駕鹵簿合三者則為大駕鹵簿

南郊用之

方澤以下皆用法駕鹵簿五輅酌仿周官及唐宋遺制  
金玉象草木各如其儀乘用亦自今歲

南郊始光昭羽衛用肅明禋欽此計法駕鹵簿內增設  
矢四紫芝蓋二翠華蓋二黃龍直柄繖四青赤  
二色四季花繖各二壽字扇孔雀扇雉尾扇各  
八紅單龍扇四壽幢四紫幢四霓幢四教孝表  
節旌明刑弼教旌行慶施惠旌褒功懷遠旌振

武旌數文旌納言旌進善旌各二黃麾二八旗  
太纛二十有四護軍太纛前鋒太纛各八儀鳳  
仙鶴孔雀黃鵠白雉赤烏華蟲振鷺鳴鳶禽旗  
各一彩獅角端辟邪犀牛獸旗各一雨旗三風  
旗七雷旗四雲旗四翠華旗二出警入蹕旗各  
一減肅靜旗二北斗白澤各一儀鎧鼉傳教告  
止幡各四政平訟理幡二青龍白虎朱雀神武  
幢各一黃雙龍扇四黃紅青直柄瑞草繖各二

金二筵頭

舊制八

減二改名引仗凡幢幡旗扇舊

之按形銷金者均改為彩繡騎駕鹵簿內增紅單龍扇二餘悉如舊制○又定玉輦方頂之前後左右各環嵌玉版一均用蒼色金輦方頂之前後左右各環嵌金版一式如金玉輅惟頂則仍舊塗金○又奏準肩舁玉輦增為三十六人○又奏準法駕步輦請定名禮輿騎駕步輦定名輕步輿均舁以十有六人

欽定四庫全書

欽定大清會典事例  
卷一百三十八

一儀駕順治初年定

皇太后

皇后儀駕龍鳳旗八金節二吾仗立瓜卧瓜各四黃  
段九鳳曲柄繖一黃段寶相花直柄繖四紅段  
瑞草直柄繖二青段黑段九鳳直柄繖各二紅  
方蓋二黃段紅段龍鳳扇各二金黃段素扇二  
紅段鸞鳳扇二拂塵二金鑪二金餅二金香合  
二金水盂一金盆一金髻馬杌一金髻交倚一



金髮足踏一

鳳輿一乘面濶三尺二寸深四尺九寸柱三尺  
二寸門濶二尺高二尺八寸頂濶四尺二寸深  
六尺重頂六方每方濶一尺五寸共高一尺二  
寸轅二各長一丈七尺四寸輪高五尺均繪金  
龍鳳赤金頂抹金葉片裝釘黃素綾衣上銷金  
龍鳳瀝水二層黃布幃衣油紬雨衣黃氈頂各

一

儀輿二面濶三尺二寸深四尺六寸柱高三尺  
六寸頂濶四尺深五尺七寸高八寸轅長一丈  
六尺輪高四尺八寸均施黃色赤金頂抹金葉  
片裝釘黃雲段車衣重幃瀝水紅段裏黃布幃  
衣油紬雨衣黃氈頂各一

大儀轎一面濶二尺九寸深四尺門濶二尺一  
寸五分高三尺六寸頂濶三尺六寸五分深四  
尺八寸重頂頂樓八方每方面濶一尺施黃色

貼金雲龍鳳繚環嵌五色寶石黃綾為衣上銷  
金龍鳳瀝水二層轅二各長一丈五尺二寸大  
橫竿二各長八尺一寸小橫竿四各長三尺肩  
竿八各長五尺撐竿二長二尺九寸均朱髹轎  
頂飾金鳳十有二金頂釵海馬文嵌青紅藍三  
色寶石轅及竿飾鍍金銅鳳頭尾什件全黃布  
幟衣油紬雨衣黃氈頂各一

皇貴妃儀仗紅黑雲段銷金鳳旗四金節二吾仗

欽定四庫全書

欽定四庫全書  
卷一百三十八

三

立瓜卧瓜各二紅段七鳳曲柄繖一紅段寶相  
花繖二紅段瑞草繖二紅段方繖二紅段繡扇  
二金黃段素扇二拂塵二金爐一金餅二金香  
合一金水盂一金盆一金髻馬杌一交倚一足  
踏一翟轎一面濶三尺深四尺高四尺七寸頂  
濶三尺七寸深四尺八寸高六寸五分重頂六  
方每方濶一尺四寸高五寸五分均髹金黃彩  
繪雲龍翟鳥裝顏各色寶石金黃綾銷金翟鳥

瀝水二層轅二各長一丈五尺二寸前後橫竿  
二各長六尺一寸五分肩竿四各長四尺七寸  
五分撐竿二長二尺一寸三分均朱紫轎頂飾  
金翟鳥十純素金頂抹金銅什件全金黃布幃  
衣油紬雨衣各一翟車一濶三尺深四尺七寸  
柱高三尺三寸五分頂濶三尺九分深五尺六  
寸高一尺二寸轅長一丈六尺六寸輪高四尺  
八寸皆施金黃色金黃雲段車幃重檐瀝水紅

紬裏素純金頂抹金銅什件全金黃布幃衣油  
紬雨衣黃纒頂各一

貴妃儀仗與

皇貴妃同

妃儀仗黑段銷金鳳旗二金節吾仗立瓜卧瓜各  
二紅段寶相花繖紅段瑞草繖各二金黃段素  
扇二拂塵二鑪一香合一餅二水盂一盆一金  
髮馬杌一交倚一足踏一翟轎一翟車一以上

諸制均同

貴妃儀仗惟鑪合等器繫銀質飾金轎頂車頂及  
什件繫銅質抹金

嬪儀仗鑪合等器均銀質無拂塵餘與

妃同

康熙元年定

太皇太后上玉冊寶儀駕內加鳳輦一柱高三尺六寸  
面闊五尺二寸深五尺二寸頂高一尺方五尺

七寸座高一尺八寸面濶六尺五寸深六尺四寸四圍闌柱絛環雕花卉朱髹貼金飾中設寶座下有仙橋座穿以藤牕榻穿以石青線頂衣用黃纈羅為之銷金鳳漉水二層黃段裏衣外垂朱簾直轅四各長二丈均朱髹赤金頂鈸鳳文嵌青金珊瑚綠松等石轅首末裝金鳳頭尾什件全朱飾凳四托杆二黃布幘衣油紬雨衣各一餘均與



皇太后同○十四年定

皇太子儀仗畫角十有二摑鼓二十四大小銅角  
各四金二金鉦二杖鼓二拍板二龍頭簫二金  
黃綺繡九龍曲柄蓋一紅曲柄蓋二青黃直柄  
繖各二紅瑞草繖二青赤方繖各二青赤雙龍  
扇各二青赤孔雀扇各四白澤旗二金節二羽  
葆幢二傳教幡告止幡信幡絳引幡各二儀鎗  
斃二黃赤白青黑龍纛各二豹尾槍弓矢儀刀

各十仗馬八立瓜卧瓜金鉞骨朶吾仗各四五  
色龍幟各二拂塵二金鑪二金鉗二金香合二  
金水盂一金盆一金髻方几一交倚一足踏一  
金輅一高一丈二尺二寸九分濶八尺九寸輅  
上平盤版前後車櫺並雁翅及四垂如意滴珠  
版其下轅三條皆朱髹轅各長一丈九尺五寸  
用抹金銅龍頭尾龍鱗葉片裝釘前施朱色馬  
搭攀皮二條平盤左右下護泥版及車輪二貫

軸一每輪十有八輻皆朱髹周圍輞全各以抹  
金鈹花葉片裝釘輪內車心各以抹金銅鈹蓮  
花瓣輪盤裝釘軸首左右各用鐵轄拴一以抹  
金銅鈹龍頭管心裝釘軸中纏紅絨駕轅等索  
輅座去地三尺五寸輅亭高六尺二寸朱髹四  
柱各長五尺六寸檻座高六寸其上周雕木  
沉香色描金雲版十有二下同門高五尺濶二  
尺三寸左右門濶二尺三寸前左右各榻二扇

後榻三扇明欵全皆朱髹以抹金銅鈹花葉片  
裝釘槁編金黃線絲穿朱髹匡軟座金黃線墜  
座大繩四條座下蓮花墜石軟座上施花毯秋  
香色金綺褥並席朱髹坐倚一靠背雕沉香色  
描金雲龍一倚圈餞金雲龍下雕朱髹雲版一  
福壽版一並衣倚中秋香色金綺坐褥四圍倚  
衣全周圍施秋香色綾幃幔或用秋香色線羅  
亭外用青段緣邊朱簾十扇拽簾圓絲二條黃

銅圈全轆頂圓盤高二尺七寸鍍金銅蹲龍頂  
並仰覆蓮座高一尺五寸垂攀頂紅絨繩四條  
盤上下朱髹以青飾轆蓋承以朱髹木匡寶蓋  
頂為八方冒以秋香色段頂心周圍繡五彩雲  
龍天輪三層皆朱髹上安雕木貼金龍耀葉版  
七十有二閒繪五彩雲襯版七十有二盤下周  
圍黃銅裝釘上施秋香色段澄水三層每層七  
十二摺閒繡五彩雲龍文四角垂青段絡帶四

條繡五彩雲升龍三圓盤四角連座版用攀頂  
金黃線圓絛四條並貼金木魚輅亭前一字闌  
干一扇後一字帶轉角闌干一扇左右闌干二  
扇內嵌絛環版皆朱髹四扇計十有四柱柱首  
各雕木貼金蹲龍一用描金五彩蓮花抱柱闌  
干內布素毯並席太常旗二面在輅亭後左右  
用秋香色雲段夾為旗每面十有二旂每旂內  
外繡升龍一朱髹攢竹旗竿左旗腰繡日月北

斗竿首用抹金銅龍頭右旗腰繡散字竿首用  
抹金銅戟每竿綴抹金銅鈴二垂紅纓十有二  
上施抹金銅寶蓋下垂青線帡幪踏梯一行馬  
架二均木質朱髹以抹金銅釵花葉片裝釘秋  
香色布面絹裏幘衣油紬雨衣各一油合扇梯  
托杆各一馬鞍韉鞦轡鈴纓全龍轎一面濶二  
尺九寸深三尺九寸高五尺掃金重頂頂濶三  
尺五寸五分深四尺六寸重頂八方每方濶一

尺五分高一尺三寸秋香色素綾銷金龍瀝水  
二層直轅二各長一丈七尺七寸大橫竿二各  
長九尺四寸小橫竿四各長二尺九寸肩竿八  
各長五尺七寸撐竿二長二尺六寸均朱槩轎  
頂飾金龍十有二金頂釵龍文嵌珊瑚青金綠  
松等石轅竿均裝抹金銅龍頭尾全秋香色布  
幟衣油紬雨衣纒頂各一○乾隆十年

諭嗣後皇貴妃貴妃儀仗內紅段曲柄繖著改金黃



色妃嬪儀仗內增用紅段曲柄繖欽此○十四年  
定

皇太后

皇后前陳設者曰儀駕

皇貴妃

貴妃所陳設曰儀仗

妃

嬪陳設曰采仗○又定

皇太后

皇后儀駕內各增設素色雲綺繪金龍鳳旗二紅素  
方纈二九鳳直柄纈六黃赤白各二黃紅段龍  
鳳扇各二黃紅段雉尾扇各四明黃八人儀轎  
二減紅段瑞草纈二金黃段素扇紅段鸞鳳扇  
各二

皇貴妃儀仗內增明黃段黑段寶相花纈各二黑  
段瑞草纈二紅黑段雉尾扇各二紅黑雲段素

扇各二金黃段鳳旗二紅黑段素旗各二卧瓜  
立瓜吾仗各二明黃八人儀轎一改金黃曲柄  
繖為明黃色減紅段方繖二紅段繡扇二

貴妃儀仗內增金黃段黑段寶相花繖各二黑段  
瑞草繖二紅黑段雉尾扇各二金黃八人儀轎  
一減金黃段素扇二紅段方繖二紅段繡扇二  
妃采仗內增紅段鳳旗二金黃段素繖二黑段寶  
相花繖二紅黑雲段素扇各二金黃四人儀轎

一減紅段瑞草繖二金黃段素扇二

嬪采仗內增金黃段寶相花繖二金黃四人儀轎  
一改金黃段素扇為紅雲段素扇黑段鳳旗為  
紅雲段鳳旗減紅段瑞草繖二

一親王儀衛定制旗槍十豹尾槍二大刀二大  
纛二條纛二吾仗立瓜卧瓜骨朵各四紅繡五  
龍曲柄繖一紅繡花繖二紅瑞草繖二紅繡扇  
二黑繡扇二明轎一面濶二尺二寸深一尺八

寸高三尺三寸地平濶二尺二寸深二尺九寸  
均髻羊肝色灑金上下雕玲瓏花卉轅二各長  
一丈五尺橫竿二各長六尺二寸肩竿四各長  
五尺撐竿二均朱髻貼金飾紅布幘衣油紬雨  
衣各一暖轎一濶三尺深四尺高四尺七寸頂  
濶三尺七寸深四尺八寸高一尺二寸金黃蓋  
金黃幘紅幘上安銀頂轅竿尺寸同前○郡王  
儀仗旗槍八條纛二吾仗立瓜卧瓜骨朵各二

紅繡四龍曲柄繖一紅瑞草繖二紅繡扇二黑  
繡扇二以上諸制均同親王儀衛○固倫公主  
儀衛黑段迴避纛二紅繡寶相花曲柄繖一紅  
繡花繖二紅繡方扇二青寶相花扇二吾仗立  
瓜卧瓜骨朵各二翟轎一朱輪車一○和碩公  
主減寶相花扇餘制同以上鹵簿儀仗均由製  
造庫造辦其世子及福晉郡主等儀仗皆自備  
充用○康熙六十一年奉

旨親王著給豹尾槍四大刀四郡王著給豹尾槍二大

刀二

一

陵寢祭祀金銀銅器皿包鞞果筐及需用竹簾雨搭簾  
圈並門牕槓扇所釘金鋪面葉什件吻鉤吻樁  
吻索吻鋤檐釘門釘等項由庫成造

一

宮殿竹簾氈簾舊例設有簾子庫監督及內監等

於每歲冬夏將氊竹簾更換收貯遇有應修報部覈給錢糧換造○雍正元年奏準向例各處宮殿更換門簾除可掛好簾照舊應用外其應修理換造者均繫簾子庫監督內監具呈即照例給與錢糧修理並無實據易致浮冒製造庫滿漢郎中員外郎及司庫司匠庫使等官所理事務無多請將簾子庫一應事務歸并製造庫管理嗣後安掛竹簾更換氊簾時令御史一人內



務府官一人同製造庫官驗看不可用者若干  
應修理者若干當即公同覈明具題給發錢糧  
交與製造庫豫行修理備用其更換竹簾張掛  
門神之時亦照此例辦理○乾隆十七年奏準  
宮殿等處所有修換雨搭門簾竹簾向無一定年  
限嗣後遇有應行修補更換之處令直年內務  
府總管會同本部及都察院滿御史察勘確實  
分別修補更換

一

壇

廟

宮殿需用梭薦舊例照內務府太常寺來文開載  
尺寸數目行江南布政使司成造○康熙三十  
七年題準令江南解送細梭交門簾庫成造○  
雍正元年奏準門神門簾二庫歸并製造庫管  
理凡各處梭薦及粗細梭繩均由庫成造

一門神對聯舊例元旦各

宮殿門神對聯端午五毒掛屏豫期修造門神對  
聯於十二月二十四日委官安掛二月初二日  
徹出貯庫五毒掛屏於四月三十日委官安掛  
六月初二日徹出貯庫○康熙二十五年定停  
止端午各

宮殿安掛五毒掛屏○又定門神對聯於十二月  
二十六日委官安掛二月初三日徹出貯庫○

欽定四庫全書

卷一百三十八

乾隆十七年議準內閣並各部院等衙門需用  
門神舊例有於工部咨取者亦有自行備辦者  
向不畫一嗣後均令自行備辦○又議準各

宮殿等處換造門神門對正面向用絹一層朝鮮  
貢紙一層白榜紙二層西紙一層苧布一層背  
用朝鮮貢紙一層計七層嗣後減去白榜苧布  
各一層計面背用絹紙五層成造

頒詔需用龍旗御仗牌繖等物及各衙門需用齋戒

牌均照例辦發

午門及鼓樓並各處大小鼓均由庫輓造

一

宮殿等處鍍金鍍銀鎖鑰釘鈔簾圈門牕什件並  
寶頂吻鈎吻樁吻索吻鈎抹金檐釘門釘槓扇  
上龍葉泡釘獸面及牌匾字等項由庫成造

一

鹵簿內壽字段袍獺皮帽涼帽校尉豹皮帽氊帽  
及儀仗內氊帽黃翎并親王郡王等執事人衣  
帽及

冊封

妃

嬪王貝勒貝子需用采亭等項均由庫辦造

一

皇史宬官吏欽天監博士經版庫西什庫庫吏狐

皮端罩天文生羊裘宗學各學教習夏秋冬袍  
帽韉幾年節慶隆舞所用甲冑囊韉鞍轡煖帽  
端罩及各衙門守庫人役羊裘均由庫辦造給  
發

一

賞賜喀爾喀等處金銀茶筭茶碗朝鮮來使圓領袍  
鞍韉琉球安南等國來使段袍鞍韉等項由禮  
部理藩院移咨造給

一

欽差旗繖牌杖雨旱套督撫提鎮等官蟒段朝衣鞍轡纓鞬等項由庫成造卓異等官

賞給朝衣蟒袍文官四品以上大蟒朝衣七品至五品雜段領袖補段朝衣八品以下均倭段領袖雲段朝衣武官副將都統以上大蟒段朝衣叅將以下等官皆小蟒袍由禮兵二部移咨照數於戶部領段製造完日仍交禮兵二部頒給



一筵燕會試主考同考等官需用貼金銀花文  
狀元朝衣絨纓涼帽鞵帶鞵靴武狀元盔甲鍍  
金腰刀橐鞬鞵帶手巾荷包皮鞵等項由禮兵  
二部咨文照例造給

一外藩蒙古等處來京娶妻

賞給衣飾並

賜岷州衛等處番僧段袍袈裟及各經廠念經內監  
袍服各寺廟取用掛幡絨繩由庫造給

一各衙門等處應用鞍韉鞦轡繒單鎖鑰皮搭連皮包皮搭腰及包裹各處火藥油簍均憑文照數辦給

一成一應器具所用珠寶金銀銅鐵皮草絀絹段布顏料等項均於內務府戶部取用外解狐皮由戶部移咨到部令製造庫赴戶部驗收  
○雍正十一年題準令太僕寺每年察明馬羣大小馬皮行文張家口稅務監督移送交到部交

庫備用馬駒皮每三張抵大馬皮一張其本庫  
一年足用外有餘刺短小馬皮按時作價入於  
節慎庫驗收○乾隆六年議準張家口監督每  
年將所收馬皮數目報部俟有需用之時酌數  
令該監督解送

一額設匠役舊例製造庫五作匠役四百四十  
名內食糧者二百九十七名種地者一百四十  
三名銀作食糧領催二名種地領催一名大器

匠食糧四名種地三名食糧釵花匠十有七名  
食糧攢焊匠七名鍍金匠食糧五名種地四名  
食糧打銅匠三名銑銅匠食糧三名種地一名  
食糧化銀匠一名食糧玉匠一名食糧拔絲匠  
二名打金匠食糧種地各一名食糧窩鈕匠一  
名食糧銅鎖匠一名共五十八名○鍛作種地領催  
三名剔鑿匠食糧三十名種地二十二名銑匠  
食糧二十七名種地四名鍛釵匠食糧十有五

名種地五名研匠食糧種地各五名鞍轡什件

鐵匠食糧八名種地七名鑽眼匠食糧三名種

地二名食糧鐵鎖匠六名食糧刀鞘匠一名食

糧畫匠一名

共一百四十四名

○皮作食糧領催四名

種地領催一名縫皮匠食糧二十一名種地十

有四名鋤皮匠食糧十有三名種地七名砍鞍

匠食糧十有五名種地二名糴匠食糧七名種

地三名熟皮匠食糧種地各三名滕皮匠食糧

四名種地一名食糧絲兒匠五名食糧粉皮匠  
三名食糧染皮匠一名食糧油漆匠一名食糧  
薰皮匠一名食糧纓子匠一名食糧買辦二名

共一百十  
有二名

○繡作種地領催三名繡匠食糧八

名種地十有四名裁縫匠食糧三十五名種地

十有三名食糧畫匠一名食糧彈花匠一名毛

襖匠食糧六名種地七名

共八十  
八名

○甲作食糧

領催一名甲葉匠食糧五名種地二名臂手匠

食糧種地各三名腰刀匠食糧二名種地三名  
盪匠食糧一名種地二名鐵匠食糧七名種地  
四名種地鈔磨匠三名食糧銼匠一名食糧箭  
匠一名共三十八名以上五作食糧領催每名月支  
銀二兩四季各支米七斛二斗五升食糧匠役  
每名月支銀一兩四季支米同種地領催每名  
月支銀二兩米分三季前二季各支米十有四  
斛後一季支米十有四斛種地匠役每名月支

銀一兩米分三季前二季各支米七斛後一季  
支米七斛樓軍二十三名每名月支銀五錢支  
米三斗○門神門簾二庫匠役順治九年題準  
門簾二庫一等內監每名月支銀二兩二等內  
監每名月支銀一兩各米三斗匠役每名月支  
米一斛二斗五升庫役每名月支米三斗五升  
○雍正元年定門神門簾二庫額設一等內監  
一名二等內監十有九名玉匠一名刻字匠一



名畫匠五名撥蠟匠一名鑄匠二名銅匠三名  
銼匠二名鍍匠二名錠鉸匠四名漆匠一名油  
匠五名彩漆匠三名銷金匠二名貼金匠一名  
鍍金匠二名戗金匠一名雕鑾匠二名粧鑾匠  
四名紫米匠一名攢竹匠一名裱褙匠一名糊  
扇匠一名木匠三名轎匠二名轎頂匠一名劈  
竹匠二名藤匠二名簾匠十名拴簾匠一名絆  
匠一名梭匠七名繩匠六名毯匠九名糧匠七

名纓匠一名編纓匠二名絡絲匠四名纏絨匠  
二名絛匠三名彈花匠一名裁縫匠二十名繡  
匠六名織匠五名扇匠三名牙匠一名皮匠二  
名筋匠二名鮑鐙匠二名絲鐙匠一名琵琶匠  
一名鼓匠二名草蓆匠二名染匠四名庫役六  
名一等內監每名月支銀一兩五錢庫丁每名  
月支米三斗二等內監及匠役銀米仍舊均由  
部按季造冊送戶部支領每米一斗均折銀一

錢三分○十年奏準門簾二庫向設一等內監  
一名二等內監十有九名請每庫各設一等內  
監一名為首領內監裁二等內監二名並將玉  
匠牙匠彈花匠各裁汰一名仍增設木匠三名  
以符原額○乾隆七年奉

旨工部所屬門神庫首領內監一名每季給食銀四  
兩五錢米一斛四斗內監八名每名每季給食銀  
三兩米一斛四斗門簾庫亦照此例

欽定大清會典則例卷一百三十八